

中国公共图书馆古籍文献珍本汇刊·丛部

罗氏雪堂藏书遗珍

(十)

全国图书馆文献缩微复制中心

罗氏雪堂藏书

PDG

中国公共图书馆古籍文献珍本汇刊·丛部

责任编辑 姜亚沙

经 莉

罗氏雪堂藏书遗珍（全十六册）

汇刊编者 全国公共图书馆古籍文献编委会

本书编者 王荣国 王清原

原书藏者 辽宁省图书馆

出版者 中华全国图书馆文献缩微复制中心

（北京文津街七号）

印刷者 临京古籍印装厂

发 行 者 新华书店北京发行所

印刷日期 二〇〇一年八月

印 数 一一二〇

定 价 七六〇〇元

未经授权 不得翻印

罗氏雪堂藏书遗珍目录（十）

子部

洛诵集

序

洛诵集

三一

罗氏雪堂藏书
PDG

宋史鄒浩列傳

鄒浩字志完常州晉陵人第進士
為太常博士哲宗擢為右正言時
廢孟后立賢妃劉氏浩切諫削官
羈置羈置新州徽宗立召還復官問諫
草安在曰焚之矣退告陳瓘曰禍
在此乎異日奸人妄出一絨則不
可復辨也蔡京用事果為偽疏

陷之遂謫衡州尋竄昭州五年
得歸復直龍圖閣病卒高宗贈
寶文閣直學士賜謚忠嶺表歸
後自闢小圃號曰道鄉故學者
稱道鄉先生

洛誦集

宋晉陵鄒

浩志完纂

棄舊

豈如弁髦而因以敝之

棄主

我在伯父猶衣服之有冠冕木水之有本原民人之有謀
主也伯父若裂冠毀冕拔本塞原專棄謀主雖戎狄其何
有余一人

望救

閔閔焉如農夫之望歲懼以待時

勢遠

古人有言曰雖鞭之長不及馬腹

含垢

諺曰高下在心川澤納汙山藪藏疾瑾瑜匿瑕國君含垢
天之道也

圖蔓

不如早爲之所無使滋蔓蔓難圖也蔓草猶不可除況君
之寵弟乎

依隣

諺所謂輔車相依唇亡齒寒者其虞虢之謂也

、
庇根

公族公室之枝葉也若去之則本根無所庇廕矣葛藟猶能庇其本根故君子以爲比況國君乎此諺所謂庇焉而縱尋斧焉者也

惡焰

商書曰惡之易也如火之燎於原不可嚮通其猶可撲滅、去惡

周任有言曰爲國家者見惡如農夫之務去草焉芟夷蕞崇之絕其本根弗使能殖則善者信矣

懷安

戎狄豺狼不可厭也諸夏親暱不可棄也宴安酖毒不可懷也

勝詛

祝有益也詛亦有損聊攝以東姑尤以西其爲人也多矣雖其善祝豈能勝億兆人之詛

· 罰重

抑人亦有言曰牽牛以蹊人之田而奪之牛牽牛以蹊者信有罪矣而奪之牛罰已重矣

外重

求大必折尾大不掉

斬盈

吾子楚國之望也今與王言如響國其若之何子革曰摩厲以須王出吾刃將斬矣

去疾

樹德莫如滋去疾莫如盡

早除

越在我腹心之疾也壤地同而有欲於我夫其柔服求濟其欲也不如早從事焉

無用

得志於齊猶獲石田也無所用之越不爲沼吳其泯矣

遺害

使鑿除疾而曰必遺類焉者未之有也

疾毒

季孫之愛我疾疾也孟孫之惡我藥石也美疾不如惡石夫石猶生我疾之美其毒滋多

守器

人有言曰雖有挈餅之知守不假器禮也夫子從君而守臣喪邑雖吾子亦有猜焉

及難

盜憎主人民惡其上子好直言必及於難

欽定四庫全書
卷八

甚美

吾聞之甚美必有甚惡

待遇

武將信以爲本循而行之譬如農夫是穠是蓂雖有飢饉
必有豐年

事急

古人有言曰畏首畏尾身其餘幾又曰鹿死不擇音小國
之事大國也德則其人不德則其鹿也鋌而走險急何
能擇

賄禍

象有齒以焚其身賄也

限小

部婁無松柏

傷割

猶未能操刀而使割也其傷實多子之愛人傷之而已

棟廠

子於鄭國棟也棟折榱崩僑將廠焉

製錦

子有美錦不使人學製焉大官大邑身之所庇也而使學者製焉其為美錦不亦多乎



惧敗

譬如田獵射御貫則能獲禽若未嘗登車射御則敗績厭
覆是懼何暇思獲

心殊

人心之不同如其面焉吾豈敢謂予面如吾面乎

憂隕

抑人亦有言曰嫫不恤其緯而憂宗周之隕爲將及焉

耻罄

詩曰餅之罄矣惟壘之耻王室之不寧晉之耻也

擇禮

周諺有之曰山有木工則度之賓有禮主則擇之

恩厚

雖獲歸骨於晉猶予則肉之

餘澤

子女玉帛則君有之羽毛齒革則君地生焉其波及晉國者君之餘也其何以報

不支

牛雖瘠饋於豚上其畏不死

卿材

其大夫則賢皆卿材也如杞梓皮革自楚往也雖楚有材

晉實用之

同氣

謂我敝邑邇在晉國譬諸草木吾臭味也而何敢差池

移怒

諺所謂室於怒市於色者楚之謂矣

共功

譬如捕鹿晉人角之諸戎掎之與晉踣之

無附

皮之不存毛將安傳

方人